

E taonga-rima te tamaiti | E taonga-rima te tamaiti tatakitai

**Te parāni a te apii punanga e akakoro`ia nei
2019-2029**

Akakou`anga

E taonga-rima te tamaiti E taonga-rima te tamaiti tatakaitai.....	1
Akatomo`anga.....	4
Te Tiriti o Waitangi	4
Orama.....	5
Turanga no teia parāni e akakoro`ia nei	5
Te au tu ravenga.....	5
Vaitata rai e tei roto te au tamariki katoatoa i te turanga apii punanga.	5
E taokotai`anga tiēniēni	5
Te turanga tiēni`anga	5
Ka akapeea i reira i teia taime?.....	6
Te au irinaki`anga o teia parāni	6
Irinaki`anga 1. Ka kite te tamariki e te kopu tangata i te turanga tau no te oraanga meitaki e te turu i to ratou kapua`anga`ia mai, te reo e te peu.....	6
1.1 Akapuapinga`ia te tare`anga aka`āite o te aronga mama`ata ki te tamariki i raro ake i te 3 mataiti i roto i te au turanga apii punanga e arataki`ia ana e te au puapii	6
1.2 Ka inangaro`ia te au puapii kia mako i te akapupu`anga ia ratou ki roto i te tamariki na roto i te au ravenga turu atu kia ketaketa e kia akono meitaki`ia, te au ara apii`anga i te reo, e te au nekeneke`anga tu katau no te tamariki e te kopu tangata	7
1.3 Akatupu`ia tetai akara`anga no runga i te maatamaata o te pupu, te akanoonoo`anga o te are apii e tetai au mea e takapini ana, e ka akapeea i te akapuapinga`anga atu i te turanga i roto i teia au ngai	7
1.4 Turu`ia te au metua e te kopu tangata no te iki`anga i te turanga apii e te au ara apii`anga reo na roto i te akapuapinga`anga i te au tuatua akakite	8
Irinaki`anga 2. Ka rauka i tetai ua atu tamaiti i te tomo atu ki roto i te apii punanga e kia turu`ia ratou i ta ratou apiiangā kia tupu ruperupe	8
2.1 Akatanotano meitaki`ia te turanga pute moni kia tano ei turu tikai i te tamariki kia puapinga no te tomoanga atu ki roto i te au apii punanga matutu	8
2.2 Akatupu`ia tetai akara`anga kia akako`u mai i te au turanga turu i te oraanga tangata i te turu i te tamariki e to ratou kopu tangata kia tomo atu ki roto i te au apii punanga ma te akapapu kia marama meitaki`ia e koai tikai te akaaere no te akatanotano`anga i te turu tāmou`anga apii i roto i te au tūranga apii punanga tātakitia	8
Irinaki`anga 3. Ei au puapii e te au arataki tu katau, kite tuketuke, kite i te peu e kia akangateitei`ia	9
3.1 Akamaroiro`ia kia taeria te 100 patene ma te akamana atu kia taeria te 80 patene o te au puapii kua pati i roto i te au apii`anga e arataki`ia ana e te au puapii, e tae ua atu te akamana`anga ki te 100 patene	9
3.2 Akakake`ia te turanga pepa puapii o te au puapii e apii ana i roto i te ngutuare	9
3.3 Akatupu`ia tetai parāni no te akamaata`anga mai i te au puapii apii punanga e tau ki te parāni no te aronga angaanga a te turanga apii.....	9

3.4	Anga`ia tetai akaaere`anga ei akapuapinga e te akatinamou i te tutaki e te turanga angaanga o te au turanga apii punanga katoatoa	10
3.5	Akapuapinga`ia te tereni`anga puapii mua (ITE) ei akapapu`anga kia pati meitaki te au puapii i te rave`anga e te angaanga taokotai atu ki tetai au taunga i ta ratou apii`anga	10
3.6	Akatupu`ia tetai parāni`anga mutukore no te kimi kite apii e te tereni`anga tu katau tikai. (PLD)	10
3.7	Akatupu`ia te kimi kite `ōu e te au putuputu`anga kimikimi kite no te turanga apii punanga	10
3.8	Turu`ia te au turanga apii punanga kia angaanga taokotai i runga i te turanga aiteite ki tetai ua atu i roto i te au tu orooro`anga	10
3.9	Turu`ia te aronga angaanga kia tāru mai i te reo Māori ki roto i te au turanga apii punanga katoatoa.	11
	Irinaki`anga 4. Ka akatupu te tamariki i te au ravenga inangaro`ia e to ratou kopu tangata e te oire tangata ma te turu atu ia ratou kia riro mai ei aronga kimi kite apii matutu e te tu katau	11
4.1	Tāru`ia te curriculum framework, <i>Te Whāriki</i> , ki roto i te Gazette, ei turu i te rave`anga i te au tumu manako apii, te au makave, te au akakoro`anga e te au kokoti`anga i te tuātau akapapa`anga i te au mea ka apii`ia	11
4.2	Akapapa taokotai`ia te au tu ravenga irinaki`ia e tau ki te peu e te reo i turu atu i te tarere`anga e te apii`anga	11
4.3	Makitoro meitaki`ia te au turanga tauturu i roto ia ratou uaorai, ei akamatutu i te angaanga i roto i <i>Te Whāriki</i> e ei akapapu kia puapinga ua atu te teretere`anga ki mua	12
	Irinaki`anga 5. Tei raro ake te au turanga apii punanga i tetai turanga teateamamao`ia e te turanga o te oraanga apii tei turu`ia, irinaki`ia e te mutukore	12
5.1	Akamata`ia tetai turanga atuitui`anga teateamamao`ia ei akapapu i te meitaki, kia matutu mutukore te punanga	12
5.2	Akara`ia mai te au ravenga kia rauka mai i te au turanga apii punanga i roto i te au oire kare e tu katau ana	12
5.3	Me ka rauka, akapae`ia tetai ngā`i no te turanga apii punanga ki te pae mai i te aua apii	12
5.4	Akamatutu`ia te akateretere`anga e te turu`anga i te aka`aere`anga i te reo o te Moana nui o Kiva e tetai ua atu turanga punanga o te oire.....	13
5.5	Akamata`ia tetai porokarāmu matutu no te akavā`anga e te raitini`anga.....	13
5.6	Akapuapinga`ia te akateretere`anga o te pute moni kia kite te au metua, te au puapii e te kavamani.	13
5.7	Akapapa`ia na roto i te angaanga taokotai`anga atu ki te Playcentre Aotearoa New Zealand no tetai turanga akateretere`anga pute moni	13

Ka akapeea matou i te akatanotano`anga e te vaito`anga i te puapinga? . 14

Akara`anga viviki atu ki te parāni e akakoro`ia nei 15

Akatomo`anga

Kua tuku mai te Kavamani i te orama matutu i roto i te Child e te Youth Wellbeing Strategy "Aotearoa te ngā`i numero tai rava atu i roto i teia nei ao no te tamariki e te mapu". E orama akamaroiroi tikai teia e ka inangaro`ia kia tautā taokotai. Na te tomo`anga atu ki roto i te apii`anga punanga matutu tetai tu`anga puapinga rava atu no te turu i te oraanga meitaki e te oraanga no te tuātau ki mua o te tamariki.

Kua marama te Kavamani e ka puapinga te au turanga apii punanga me meitaki te akateretere`anga, te aka`aere`anga e te apii`anga, e te angaanga taokotai atu ki te au metua, kopu tangata e te oire tangata. Ka manuia katoa me rauka i te au metua i te iki i te au ara kimi kite apii puapinga no ta ratou tamariki.

I roto i a Aperira 2018, kua iki te Minita Ngateitei o te Maraurau o te Apii a Chris Hipkins, i te Ministerial Advisory Group e tetai sector Reference Group ei tauturu iaia no te au tu manakonako`anga no runga i te au ravenga e puapinga ua atu ei te au turanga apii punanga. Kua akatupu teia au pupu *He taonga te tamaiti – E taonga-rima te tamariki tatakitai: Parāni akaivi no te apii punanga 2019-29* (parāni akaivi) tei turu`ia e te Maraurau o te Apii.

Kua rave`ia te uriuri`anga manako no runga i te parāni akaivi mei te 19 o Noema 2018 ki te 15 o Mati 2019. I te akara`anga, maata ua atu tei akatika ki te au manakonako`anga o te parāni akaivi. Ko te manakonako`anga no te akapuapinga`anga i te tare`anga o te aronga mamaata ki te tamariki e te neke`anga kia taeria ki te 100 patene puapii kua pati i roto i te au punanga e arataki`ia ana e te au puapii te manako numero tai. Kua akakou`ia teia au uriuri`anga manako tei akaoki`ia mai ki roto i nga ripoti e rua: *Kōrero Mātauranga: Parāni akaivi no te au manakonako`anga tei akaoki`ia mai kia akava matatio`ia no te turanga apii punanga, Aperira 2019 e Parāni akaivi no te uriuri`anga manako no runga i te turanga apii punanga: Te au pupu akatinamou`anga manako o te au metua.*

Teia parāni openga, *He taonga te tamaiti – E taonga-rima te tamariki tatakitai: Parāni no te akakoro`anga a te turanga apii punanga 2019-2029* (akakoro`anga) kua akatupu`ia no runga i te au manakonako`anga rara`i rava atu tei akaoki`ia mai e te iti tangata. E akakou`anga teia i te parāni openga. Ka tatau`ia teia parāni ki rava atu, mei te parāni`anga no te akamata`anga i te angaanga, te akatanotano`anga numero, te au manako tauturu e pera ua atu ki runga i te www.conversations.education.govt.nz

Te Tiriti o Waitangi

Te irinaki pakari nei te Kavamani kia akangateitei`ia te Ture no te irinaki`anga e rauka mai nei no roto i Te Tiriti o Waitangi. Te irinaki`ia nei te tika`anga o te kopu tangata, hapū e te iwi kia taanga`anga i to ratou turanga Māori e te mana i te akapapa`anga e te apii`anga i roto i te turanga apii, ma te akamaara katoa i to ratou tika`anga i raro ake i te ture kia puapinga no te Māori. Na teia parāni e akakoro`ia nei e akaari mai i te anga`anga taokotai`anga te Kavamani e te turanga apii punanga kia tupu te turanga i te pae o te peu Maori ki roto i te au aka`aere, au puapii e te au tu puapii ua atu i raro ake i te turanga apii punanga.

I te tuātau i`ai ia ai teia parāni e akakoro`ia nei, te anga`anga taokotai ra te Ture e Te Kōhanga Reo National Trust (TKRNT) i te parāni`anga taokotai i tetai turanga pute moni motukore e tau ki tei kitea`ia mai i raro ake i te Waitangi Tribunal no runga i te oro`anga a te Trust. E puna puapinga rava atu te Kōhanga reo no te akaora`anga i te reo e te peu a te Māori na roto i te orooro`anga mei tetai uki ki tetai uki ki te tamariki e to ratou kopu tangata.

Orama

Ka mataora e ka meitaki te ora`anga o tetai ua atu tamaiti, ka tamou apii e ka ruperupe i roto i te au turanga matutu tei turu i to ratou uaorai turanga kopu tangata, reo e te peu i roto i te turanga apii punanga o Aotearoa tei akaperepere`ia e te au metua e te kopu tangata.

Ka mataora e ka meitaki te ora`anga o te tamariki, ka tamou apii e ka ruperupe i roto i te au turanga apii punanga matutu e e meitaki rai oki no te turu`anga kia 'aiteite mei te akamata`anga'. E turanga puapinga rai to ratou i te turu`anga atu i te au metua e te kopu tangata i te mea e ko ratou oki te au puapii mua o ta ratou tamariki.

Turanga no teia parāni e akakoro`ia nei

Te au tu ravenga

Tei raro ake te apii e te turanga akono i te turanga apii punanga o Aotearoa,¹ kindergartens, nga kōhanga reo, playcentres, home-based early learning services, hospital-based services e te au playgroups. Tei raro ake teia au turanga i te au tu ona tuketuke e te au tu akateretere`anga, e tei a ratou te au tu irinaki`anga, reo e te au turanga aka`aere`anga. E akangateitei`ia ana te ravenga tuketuke i roto ia Aotearoa no te mea ka riro rai te manako`anga openga ki te au metua e te kopu tangata.

Vaitata rai e tei roto te au tamariki katoatoa i te turanga apii punanga.

Me aka`āiteite`ia ki te au ngauru mataiti i pāti, te aere vave nei te tamariki e kua kake atu te roa`anga. Noatu e kare i te ture, vaitata rai e te aere nei te au tamariki 3 mataiti e te 4 mataiti katoatoa ki te turanga apii punanga, e te kake atu nei te tare`anga no ratou e aere nei ki te turanga apii e te turanga akono. Ina ra, te karanga nei te tare`anga a te Maraurau e, i roto i te au oire puta`ua mei te rua ora i te epetoma ki raro mai te tuke o te tamariki e aere nei me aka`āiteite`ia atu ki to te patireia.

E taokotai`anga tiēniēni

Oonu ua atu te ko kia Aotearoa mei te au patireia i vao mai te neke`anga o te au tu taokotai`anga o teia nei ao mei te putuputu o te teretere`anga, te opara`anga atu o te iti tangata ki te enua ke i te tuātau tamaki, e te tiēni`anga o te ngā`i angaanga. Kua kake mai te maata`anga o te au tu iti tangata i Aotearoa e kua tuera te manako ki te au tu peu me aka`āite`ia ki te au uki o mua. I te mea e tuketuke te irinaki`anga o te au pupu tangata me tomo mai ki te turanga apii punanga, ka akapeea i reira te au turanga i te angaanga taokotai`anga atu ki te au ngutuare tangata e te au kopu tangata kia raranga kapiti ratou i te apiiangā e tau kia apii`ia.

Noatu e e enua ona a Aotearoa, te noo nei rai tetai au tamariki ki roto i te turanga puta`ua, kare e kainga tinamou me kore ra te noo nei ki roto i te ngutuare mariko`angakore e te au tu apikepiki maki. Kua kake te maki mental health tei kite`ia mai e te au apikepiki o te tupu`anga i roto i te tamariki.

Te turanga tiēni`anga

Te akakite mai nei e Te Education Review Office (ERO) e tuketuke te au raverave`anga. Kia puapinga te au tamariki katoatoa, ka inangaro`ia te turanga apii punanga kia oronga atu i te au ravenga apii`anga e inangaro`ia

¹ Tuketuke ua atu te au ingoa o te au turanga apii e te au turanga akono mei te crèche, te preschool e te childcare centre, e tei roto i teia au turanga te au irinaki`anga tuketuke mei te Montessori e te Steiner.

ana e te au metua e te kopu tangata. Noatu e kua kake maata te numero o te au turanga apii punanga, te vai ra rai tetai au oire kare takiri o teia au turanga inangaro`ia e te au metua e te kopu tangata, pera katoa te au ara no te reo Māori e to te Moana nui o Kiva. E manata rai no te maata rava o tetai au turanga.

Te ravenga e tupu ei te orama o teia parāni kia rave`ia, ka inangaro`ia tetai au tiēni`anga i roto i te au papa-ture e te au raverave`anga i roto i te turanga apii punanga kia tupu te meitaki, kia meitaki mai te parurukore e te iki`anga i ta`au uaorai i inangaro.

Ka akapeea i reira i teia taime?

Ka rave`ia te au akakoro`anga i roto i teia parāni na roto i te turanga takai`anga kakena i te 10 mataiti e tu mai nei. Tei te Cabinet te tika`anga no runga i te pute moni o te tuātau e tu mai nei e rave`ia ai teia parāni.

Mei te tai me kore ra ka maata atu te au mangamanga o te papa ture no te aka`aere`anga i te au turanga apii punanga ka tiēni`ia e rave`ia ai teia parāni. Kia marama tatou e te ravenga e tupu ei teia au akakoro`anga i roto i teia parāni me ka tiēni`ia teia au papa-ture, e upoko tuatua teia no ta tatou e anoano nei no reira ka apaina`ia na mua ki te uipaanga oire tangata i raro ake i te ture no te turanga tiēni`anga papa-ture.

Te au irinaki`anga o teia parāni

Tei roto teia parāni i nga irinaki`anga e rima e tei roto katoa e 25 ravenga e angaanga taokotai nei kia tupu te tiēni`anga turanga. Tano meitaki te au irinaki`anga o teia parāni ki te pae i te au irinaki`anga 10 mataiti a te Kavamani no te turanga apii katoatoa.

Irinaki`anga 1. Ka kite te tamariki e te kopu tangata i te turanga tau no te oraanga meitaki e te turu i to ratou kapua`anga`ia mai, te reo e te peu

1.1 Akapuapinga`ia te tare`anga aka`āite o te aronga mama`ata ki te tamariki i raro ake i te 3 mataiti i roto i te au turanga apii punanga e arataki`ia ana e te au puapii

Na te tare`anga aka`āite maata o te aronga mama`ata:ki te tamariki e rauka ai i te aronga mama`ata te nekeneke`anga/komakoma`anga puapinga ki te tamariki rikiriki. Te tare`anga aka`āite iti rava atu o te aronga mama`ata o Aotearoa:ki te tamariki i raro ake i te 3 mataiti, e meitaki tikai me akaaite`ia te au kimikimi`anga tei akakite`ia mai e kua aite katoa te tare`anga mei te au pa enua OECD aiteite mai.

Ka akamata`ia te tare`anga aka`āite `ōu o te aronga mama`ata:ki te tamariki no te au turanga apii punanga i roto i te roa`anga o teia parāni. Te tare`anga aka`āite 1:3 no te tamariki i raro ake i te 2 mataiti. Ka vai teia ei akamaroiroi`anga no te tuātau ki mua.

Mataiti	Raro ake i te 2 mataiti	2 mataiti
Te au tare`anga aka`āite o teia ra	1:5	1:10
Te au tare`anga aka`āite `ōu	1:4	1:5

I te mea i te akara`anga e e pirianga tetai mei te akapuapinga`anga i te tare`anga aka`āite o te aronga mama`ata:ki te tamariki e te akapuapinga`anga i te tare`anga o te au puapii kua rauka te pepa puapii i roto i tetai au turanga (akakoro`anga 3.1), e te uuti mai e te mou i te au puapii kua rauka te pepa puapii (akakoro`anga 3.3 e te 3.4), ka rave tatuātau`ia teia:

- » In the medium term, te au turanga apii punanga e aratakī`ia ana e te au puapii² e tare`anga aka`āite aronga mama`ata:ki te tamariki 1:4 no tei raro ake i te 2 mataiti e/me kore ra 1:5 no te 2 mataiti e ka peke ia ratou te pute moni maata ake.
- » In the medium and longer term, te tare`anga aka`āite aronga mama`ata:ki te tamariki 1:4 no tei raro ake i te 2 mataiti e ki te 1:5 no te 2 mataiti, ka riro teia ei ture no te au turanga apii punanga e aratakī`ia ana e te au puapii. Me papa ana, ka kitea i reira te kake`anga o te pute moni e te tutaki no teia au turanga kua rauka ia ratou te tare`anga aka`āite tau.

Ka turu te Maraurau i te au turanga na roto i te ako`anga no te rave`anga i teia au tare`anga aka`āite `ōu e te ko`u`anga mataiti.

1.2 Ka inangaro`ia te au puapii kia mako i te akapupu`anga ia ratou ki roto i te tamariki na roto i te au ravenga turu atu kia ketaketa e kia akono meitaki`ia, te au ara apii`anga i te reo, e te au nekeneke`anga tu katau no te tamariki e te kopu tangata

Te akakite mai nei te kimikimi`anga kite kia tatou e ka anoano te tamariki kia ketaketa e kia akono meitaki ia e te pirianga oaoa ki te aronga mama`ata.

Te akakoro nei te Maraurau i te akatanotano i te au papa-ture no te raitini`anga kia akatupu te au turanga i tetai au papa-ture no te akamako`anga i te au puapii kia tauturu atu i te tamariki tatakita i roto i te pupu.³ Na teia au papa-ture e akaāri mai i te puapinga o te tu`a`anga i te aronga mama`ata no te akono meitaki`anga kia mataora te tamariki i to ratou au orooro`anga.

1.3 Akatupu`ia tetai akara`anga no runga i te maatamaata o te pupu, te akanoonoo`anga o te are apii e tetai au mea e takapini ana, e ka akapeea i te akapuapinga`anga atu i te turanga i roto i teia au ngai

E piri`anga to te au pupu rikiriki ki te tamou`anga apii meitaki i te punanga, te au tamariki rikiriki tikai e ratou e noo ra ki te au ngutuare mariko`anga kore. Pera katoa, te puapinga ki te ora`anga meitaki e te tamou`anga apii a te tamariki kia tomo atu ki te au ngā`i maanaana, ateatea kia akatika`ia kia kite i te au mea natura.

Te inangaro`ia nei kia akatupu`ia tetai akara`anga no runga i te piri`anga o te maatamaata o te pupu ki te akanoonoo`anga o te apii, e ka akapeea i te akapuapinga`anga atu i te turanga i roto i teia au ngā`i. Ka aravei atu te Maraurau i te au manga me e papa-ture tetai e tau kia tiēni`ia, pera katoa te akateretere`anga e te moni te ka pou.

² No te au turanga apii punanga e aratakī`ia ana e te au puapii ua teia te ka rave`ia e kare e no te au turanga i roto i te aremaki me kore ra te au turanga o te ngutuare.

³ Kua marama ke ana tatou i te tuke o te turanga i roto i te aremaki ki to te au turanga apii punanga e ka inangaro`ia teia tuke`anga kia akamanako`ia e kia akanoo`ia tetai ravenga i te tuātau akatanotano`anga i te raitini.

1.4 Turu`ia te au metua e te kopu tangata no te iki`anga i te turanga apii e te au ara apii`anga reo na roto i te akapuapinga`anga i te au tuatua akakite

Ka komakoma atu te Maraurau ki te au metua, kopu tangata e te oire tangata kia akakite mai me e va tetai i roto i te akakitekite`anga tuatua e eaa te turanga tau ki ta tetai ua atu peu/akono`anga no te akakitekite`anga. Ka to`u atu teia e akakoro`ia nei i te akapapu`anga kia tae te au tuatua akakite ki te au metua katoatoa e te tauturu inangaro`ia e ratou no te iki`anga i tetai turanga apii punanga no ta ratou tamaiti e kia marama ratou i te teretere`anga o te turanga.

Tuatua akakite i runga i te kupenga uira (akakoro`anga 5.1) e te au turanga tauturu i te ora`anga (akakoro`anga 2.1 e te 2.2) ka tauturu katoa i te au metua i te kimi`anga i te au ara apii. Te au metua e inangaro ana i te komakoma mata ki te mata me kore ra te tereponi, ka rauka rai ia ratou i te aravei atu i te opati oire o te Maraurau no te au tuatua akakite.

Irinaki`anga 2. Ka rauka i tetai ua atu tamaiti i te tomo atu ki roto i te apii punanga e kia turu`ia ratou i ta ratou apianga kia tupu ruperupe

Kua turu`ia teia parāni e te [Learning Support Action Plan 2019-2025](#) (LSAP). Te oora mai nei te LSAP i te raverave`anga e tae ei ki te turanga e kite`ia ai te tauturu e inangaro`ia nei e te tamariki, pera katoa i te kimi`anga atu i te Ministry of Health universal health checks no te tamariki 3 mataiti. Ka ō mai rai te au ravenga ei aruaru i te early intervention kia topa mai te papa`anga tiaki e kia rauka i te au ngutuare tangata e te kopu tangata kia tauturu vave ia.

Te [Child e te Youth Wellbeing Strategy](#) a te Kavamani e rauka ai i te au turanga tuketuke o te Kavamani kia tau 'equity from the start' e ka angaanga taokotai te Maraurau e te au manga e tetai atu au manga kia tupu teia akapapa`anga.

2.1 Akatanotano meitaki`ia te turanga pute moni kia tano ei turu tikai i te tamariki kia puapinga no te tomoanga atu ki roto i te au apii punanga matutu

Te oronga nei te Kavamani i te equity funding e te targeted funding o te matiroiroi ei turu i te tamariki kia tomo atu ki roto i te au turanga matutu e kia rauka ia ratou te learning support me inangaro`ia. Ka akatanotano te Maraurau i teia ei akapapu e, te turu`ia nei te tamariki kia puapinga no te tomo`anga atu ki roto i te au apii punanga meitaki e kia tau ki te raverave`anga i roto i te LSAP.

2.2 Akatupu`ia tetai akara`anga kia akako`u mai i te au turanga turu i te oraanga tangata i te turu i te tamariki e to ratou kopu tangata kia tomo atu ki roto i te au apii punanga ma te akapapu kia marama meitaki`ia e koai tikai te akaaere no te akatanotano`anga i te turu tamou`anga apii i roto i te au tūranga apii punanga tātakitia

Ka turu te Maraurau i te au papa-ture e te au tamanakonako`anga `ōu [Child e te Youth Wellbeing Strategy](#) e ka turu i te au ravenga a tetai ua atu tipatimani no te rapakau`anga maki, te au turu`anga i te ora`anga tangata kare rave ia ana, e te au mea e tamanamanata ana i te tamou`anga apii a te tamariki apii punanga.

Kua rave takere tetai au turanga apii punanga i te akako`u mai i tetai au turanga tuketuke, teia te akara`anga, te tomo`anga mai o te au neti e te au taunga no te korero. Ka aruaru te Maraurau i te au turanga tuketuke, te au manga e te oire tangata, pera katoa to te vaka tangata kia angaanga taokotai i roto i te rave`anga i te au mea meitaki. Ka angaanga taokotai te Maraurau e te au manga i te akapapu i te to`u`anga mai i te aronga aka`aere no te akatanotano`anga i te turu tamou`anga apii i roto i te au turanga apii punanga tatakita.

Ka tauta katoa te Maraurau i te akamaata atu i te kite e te karape o te aronga angaanga kia opu vave ma te turu i te kimi kite e inangaro`ia nei e tau ki ta te [LSAP](#).

Irinaki`anga 3. Ei au puapii e te au arataki tu katau, kite tuketuke, kite i te peu e kia akangateitei`ia

3.1 Akamaroiro`ia kia taeria te 100 patene ma te akamana atu kia taeria te 80 patene o te au puapii kua pati i roto i te au apii`anga e arataki`ia ana e te au puapii, e tae ua atu te akamana`anga ki te 100 patene

E mea puapinga rava atu te pepa puapii o te au puapii no te au ravenga meitaki, teia te akara`anga, ka maata atu te tuātau no te angaanga taokotai ki te tamariki.

Ka akakake mai te Kavamani i tu`anga o te au puapii kua pāti i te pepa puapii i roto i te au turanga apii punanga e arataki`ia ana e te au puapii.⁴ Ka tatuātau`ia te rave`anga o teia au tiēni`anga, mei te aruaru`anga a te pute moni no te 100 patene kua pati i te pepa puapii te mea mua.

Ka angaanga taokotai te Maraurau e te au manga kia marama ratou i te rava/ravakore o te au puapii e me te inangaro`ia nei tetai akaou puapii e ka akapeea i te aruaru`anga i te iti tangata kia tereni`ia (ITE) ei akamaata mai i te tu`anga puapii kua pati i te pepa puapii. Te au neke`anga ei turu i teia:

- » In the short term, te akamata`anga o te pute moni maata atu no te au turanga apii punanga e arataki`ia ana e te au puapii tei rauka te 100 patene au puapii kua pāti i te pepa puapii.
- » In the medium-term, te tiēni`anga i te papa-ture kia taeria te 80 patene o te au puapii i roto i te au turanga e arataki`ia ana e te au puapii kia pāti i te pepa puapii e, me akapupu`ia te tamariki ki te au ngā`i tuketuke, kia o e tai puapii kua pati i te pepa puapii ki roto i te au pupu tatakital.

I te tuātau e rave`ia ai teia au aruaru`anga na roto i te pute moni e teia au tiēni`anga papa-ture, ka akara matatio`ia te ravenga no te au ara no te reo, pera katoa te ravenga e mou-piri atu ei te au turanga i te au taunga reo ki roto i ta ratou turanga angaanga. Ka taru atu te education workforce strategy (EWS) i te to`u`anga kia tupu te peu a te au iti tangata tuketuke e te tane/vaine ma te akatopa mai i te au mea e paruru ana i te au pakipaki tai ki te angaanga puapii.

3.2 Akakake`ia te turanga pepa puapii o te au puapii e apii ana i roto i te ngutuare

Mei te mataiti 2019, ka nekeia te akatanotano`anga pute moni o te turanga apii i roto i te ngutuare ki te quality funding rates. Kia pāti te au puapii katoatoa i roto i te quality rate services i te pepa Level 3 ECE me kore ra credits no te nekeanga atu ki te pepa Level 4 ECE.

Ka tae ki te tuātau, ka inangaro`ia te au puapii katoatoa o te ngutare kia pāti me kore ra te tereni ra no te pepa Level 4 ECE, me kore ra Te Ara Tuarua, me kore ra e pepa ECE teitei atu me kore ra e pepa kōhanga reo.

Ka aka`āite`ia te pepa o te au puapii kua pāti ke ana i te pepa Level 3 ECE ki te pepa Level 4 ECE.

3.3 Akatupu`ia tetai parāni no te akamaata`anga mai i te au puapii apii punanga e tau ki te parāni no te aronga angaanga a te turanga apii

Ka turu`ia te au puapii e pepa puapii to ratou kia oki atu ki te apii punanga, ei akatupu i te maata`anga o te au puapii e pepa puapii no te apii punanga to ratou, ma te aruaru atu i te au puapii e pepa puapii apii punanga no Aotearoa to ratou e noo mai ra ki te au pa enua i tai kia oki mai ki te kainga.

In the medium to long term, tuketuke ua atu te au tu scholarships e te au grants ei turu i te aronga angaanga i roto i te au punanga apii kare i pāti ake i te pepa puapii kia rauka to ratou pepa ITE e te turu`ia nei te akakoro`anga kia tomo mai te Māori e ratou to te Moana nui o Kiva.

⁴ No te au turanga apii punanga ua teia te ka rave`ia e kare e no te au turanga i roto i te aremaki me kore ra te au turanga o te ngutuare.

Na te akakake`anga i te tutaki e te akapuapinga`anga i te turanga angaanga (akakoro`anga 3.4) e te akatopa`anga i te tare`anga aka`āite o te aronga mamaata ki te:tamaiti (akakoro`anga 1.1) e piri mai ai ma te tapu mai i te au puapii.

3.4 Anga`ia tetai akaaere`anga ei akapuapinga e te akatinamou i te tutaki e te turanga angaanga o te au turanga apii punanga katoatoa

Ka akatupu te Maraurau i tetai akaaere`anga no te akameitaki`anga kia tinamou te tutaki a te au puapii e te turanga angaanga i roto i te turanga apii punanga. E tau rai i reira kia tiēni`ia te turanga pute moni no te turanga apii punanga e ka rave tatuātau`ia teia ei akapapu e ka peke.

3.5 Akapuapinga`ia te tereni`anga puapii mua (ITE) ei akapapu`anga kia pati meitaki te au puapii i te rave`anga e te angaanga taokotai atu ki tetai au taunga i ta ratou apii`anga

Kua akatanotano te Konitara Puapii o Aotearoa (Konitara Puapii) i te ravenga o ITE e kua akatupu`ia tetai au anoano`anga `ōu no reira i tiēni ai ta ratou irinaki`anga. Na teia au tiēni`anga e tauturu kia papu meitaki te rairai o te au ara tereni`anga e kia papa te aronga tei pāti i te ITE i te apii ma te teretere atu ki mua kia rauka te pepa puapii. Ka anoano`ia te au turanga ITE kia akatupu i te au porokaramu a ITE na roto i te angaanga taokotai`anga ki te oire tangata, pera katoa ki te iwi e te au apii.

Ka angaanga taokotai te Maraurau, ERO e te Konitara Puapii i te akatupu i tetai turanga vaito`anga kia tupu teia akakoro`anga, ma te vaito i tei rave`ia no te roa`anga o te parāni.

3.6 Akatupu`ia tetai parāni`anga mutukore no te kimi kite apii e te tereni`anga tu katau tikai. (PLD)

Ka tauturu te PLD i te akatinamou e te akamatutu i te au ravenga no te tamou`anga apii e te ora`anga tiratira tu o te tamariki. Ka akamata te Maraurau i tetai porokaramu parāni`ia e te tu katau ei turu i te akapapa`anga e te rave`anga i te au apii`anga i raro ake i te akako`u`anga a *Te Whāriki*. Tei roto i te au PLD katoatoa te akakoro`anga no te kapua`anga, reo e te peu, e te tamariki pakipaki tai me kore ra te au tamariki e anoano tauturu ke atu no te tamou`anga apii.

Ka akapapa katoa ia tetai porokaramu patireia no PLD kia tupu te turanga arataki o te au puapii, kaiako e te au puapii i runga i te au turanga arataki.

3.7 Akatupu`ia te kimi kite `ōu e te au putuputu`anga kimikimi kite no te turanga apii punanga

Ka papau te Maraurau i te akatupu`anga o te kimi`anga kite `ōu e te au turanga kimikimi`anga kite kia rauka i te au puapii o te au apii punanga e te au turanga no te ara ki te au taunga, te au patana e te au ravenga. Ka rauka ua teia au turanga kimikimi`anga kite na roto i te kupenga uira kia mama mai, e ka akapapa`ia kia rauka te angaanga taokotai`anga i roto i te au turanga ravarai.

Te irinaki`ia nei e na te puapii, oire tangata, turanga apii punanga e te au mea anoano`ia e te kavamani e tuku mai i te au ui`anga no te turanga kimikimi`anga me kore ra no au kimi`anga kite `ōu. Na te Maraurau e akakite mai e te akatanotano mai i te au turanga no te akatupu`anga i teia au turanga kimikimi`anga kite me oti te Tomorrow's Schools Review e tetai atu au education reforms e rave`ia nei.

3.8 Turu`ia te au turanga apii punanga kia angaanga taokotai i runga i te turanga aiteite ki tetai ua atu i roto i te au tu oroora`anga

E mea meitaki te angaanga taokotai no te akako`uko`u`anga i te au angaanga meitaki, e ka turu`ia te nekeneke`anga puapinga o te tamarki me angaanga taokotai te au turanga apii punanga te au apii e te kura. Ka turu ua atu rai te Maraurau i te au tu angaanga taokotai`anga na roto i te au turanga tuketuke mei te kimi`anga ravenga `ōu a te Communities of Learning | Kāhui Ako, e te kimikimi`anga atu i te au ravenga no te akako`u`anga i te kite i rotopu i te au turanga ma te akatupu i te ravenga taokotai`anga.

Na roto i te akatupu`anga o te kimi`anga kite `ōu e te au turanga kimikimi`anga kite tetai au ravenga no te turu i teia parāni taokotai`anga (akakoro`anga 3.7) e te turu`anga i te akateretere`anga a te au turanga rikiriki (akakoro`anga 5.4).

3.9 Turu`ia te aronga angaanga kia tāru mai i te reo Māori ki roto i te au turanga apii punanga katoatoa

Te oora mai nei Te Whāriki i te au irinaki`anga kia apii`ia te reo e te tikanga Māori ki roto i ta ratou apii`anga e kia rauka i te Māori te mataora me au-tu i roto i te turanga apii i roto i to ratou uorai turanga Māori.

Ei tauturu i te turu`anga e te akamatutu`anga atu i te turanga ravenga Māori, e i te oora`anga atu i te reo Māori na roto i te au turanga apii punanga, ka akatanotano te Maraurau i ta PLD e rave nei (akakoro`anga 3.6) ei akapapu i te angaanga taokotai`anga ki te mana whenua no runga i te akapapa`anga i te au kimi`anga kite `ōu a te PLD. Ka turu katoa ia te PLD na roto i te anga`ia `anga [Te Ahu o te Reo Māori](#) – e kimi`anga kite `ōu na te PLD kia tupu e kia matutu te reo Māori i roto i te au turanga apii.

Na te au irinaki`anga `ōu tei akapapa`ia e te Konitara Puapii e tauturu katoa i te neke`anga i te reo Māori ki roto i te au turanga apii punanga katoatoa. Teia te akara`anga, ka tarere`ia te au tauira i roto i te au porokaramu reo papa`ā ITE no to ratou turanga reo Māori.

Irinaki`anga 4. Ka akatupu te tamariki i te au ravenga inangaro`ia e te ratou kopu tangata e te oire tangata ma te turu atu ia ratou kia riro mai ei aronga kimi kite apii matutu e te tu katau

4.1 Tāru`ia te curriculum framework, *Te Whāriki*, ki roto i te Gazette, ei turu i te rave`anga i te au tumu manako apii, te au makave, te au akakoro`anga e te au kokoti`anga i te tuātau akapapa`anga i te au mea ka apii`ia

Tei roto i Te Whāriki te au tumu manako apii, te au makave, te au akakoro`anga e te au kokoti`anga o te au mea tei tamou`ia. I roto i teia au tuanga e a, e turanga tuke to *Te Whāriki*⁵ no te anga i te au puapinga te ka apii`ia. I roto i te au turanga apii punanga tu katau rava atu, ka uri te au puapii e te aronga i roto i te turanga apii ki te papa`anga katoa me anga ratou i te au apii`anga te akaari mai ra i te tamou`anga apii akangateitei`ia e ta ratou tamariki, to ratou kopu tangata e te oire tangata.

Te vai nei i roto i te papa ture:

- » te au tumu manako apii – akamana | whakamana, akatupu`anga i te taokotai`anga | kotahitanga, kopu tangata e te oire tangata | whānau tangata, e te au pirianga | ngā hononga, e
- » te au makave – ora`anga meitaki | mana atua, atu enua | mana whenua, ngakau tae | mana tangata, kororero | mana reo, kimikimi | mana aotūroa.

I te mataiti 2020, te irinaki`ia nei te au akakoro`anga e te au kokoti`anga o te au mea tei tamou`ia o *Te Whāriki*⁶ kia tāru`ia ki roto i te gazette kia o atu ki roto i teia papa`anga o te au apii`anga. Na te tāru`anga atu i nga tuanga e a o *Te Whāriki* ki roto i te papa ture, e tauturu i te akamarama i tona turanga e tana angaanga no te turu`anga atu i te akapapa`anga o te au mea ka apii`ia.

4.2 Akapapa taokotai`ia te au tu ravenga irinaki`ia e tau ki te peu e te reo i turu atu i te tarere`anga e te apii`anga

Ka aiteite e ka tuke rai te au teretere`anga o te tamariki ki mua, ma te tarai atu i to ratou uorai ara apii`anga. Te kake mai ra rai ki runga to ratou kite i te vaito i to ratou uorai puapinga e i te akanoonoo i ta ratou e akakoro ra. Ka vaito te au puapii e te aronga angaanga o te turanga apii i te puapinga kia kite`ia te au ravenga oonu atu me kore ra te tamou`anga apii a te tamariki. Ka vaito rai te au puapii i ta ratou uorai apii`anga ma te kimi ravenga kia meitaki atu.

In the short to medium term, ka angaanga taokotai te Maraurau ki te au kimi kite o te apii punanga e te au puapii kia anga`ia te au ravenga e te au tu tarere`anga i roto i te akapapa`anga a *Te Whāriki*, na roto i te kiriti`anga mai i

⁵ *Te Whāriki: He whāriki mātauranga mō ngā mokopuna o Aotearoa.*

⁶ Koia oki te *Te Whāriki: He whāriki mātauranga mō ngā mokopun o Aotearoa.*

te au kite akatinamou`ia i Aotearoa nei e i to teia nei ao. Ei akapapau e kua tano, ka irinaki`ia, kua tau te rave`ia`anga ki te akono`anga e kua mako te reo, e taunga teia au kimi kite e teia aronga angaanga i te au tu tarere, pera katoa i roto i te Kaupapa Māori e i roto i te au turanga o te Moana nui o Kiva.

4.3 Makitoro meitaki`ia te au turanga tauturu i roto ia ratou uaorai, ei akamatutu i te angaanga i roto i Te Whāriki e ei akapapu kia puapinga ua atu te teretere`anga ki mua

Kua aka`ōu a ERO i tana au akara`anga no te turanga meitaki o te turanga apii punanga i raro ake i te porokaramu no te akatanotano`anga i te apii`anga e te tereni`anga. E tango teia akara`anga no te vaito`anga no vao mai e to roto nei e te akakoro`anga kia puapinga mai e kia matutu. Ka omai ratou i te ravenga ki te au turanga no te vaito`anga i ta ratou uaorai angaanga ma te anga atu i tetai parāni no te akapuapinga atu i te meitaki ei turu i te akapuapinga`anga ki mua.

Irinaki`anga 5. Tei raro ake te au turanga apii punanga i tetai turanga teateamamao`ia e te turanga o te oraanga apii tei turu`ia, irinaki`ia e te mutukore

5.1 Akamata`ia tetai turanga atuitui`anga teateamamao`ia ei akapapu i te meitaki, kia matutu mutukore te punanga

Na te Maraurau te raitini, te akatanotano`anga, te tutaki e te turu i te au turanga apii punanga engari kare aia e parāni i te au atuitui`anga. Akamatike`ia te akateretere`anga i te au atuitui`anga kia papu te tomo`anga o te au tamariki katoatoa ki roto i te au turanga apii punanga e kia kore e maata roa te au puapui.

Ka akatupu tatuātau te Maraurau i tetai turanga atuitui`anga. Ka akatupu`ia te au papa`anga o te au atuitui`anga ei tauturu i te au apii me inangaro ratou i te anga i tetai turanga`ōu. Ka akara katoa te Maraurau i te au papa-ture e te au ture tei tieni`ia kia akateretere meitaki`ia te atuitui`anga kia tomo atu te au metua ki roto i te turanga ka tauturu ia ratou.

Te anoano nei te Maraurau i te akamata i tetai ara taki-rua takai`anga no te raitini:

- » Takai`anga 1 ka anoano`ia te au turanga kia akakite mai i to ratou akakoro`anga no te anga me kore ra te akamaata`anga i te turanga (i mua ake ka oko`ia ai te enua me kore ra akatu are). Kia akatika`ia, kia akakite mai te au turanga me no teia tuātau te inangaro`ia nei me no apopo, e kia rauka i te au turanga i te akaari mai e e turanga meitaki rava atu to ratou i teia tuātau.
- » Takai`anga 2 te pati`anga no te raitini tinamou ei akapapu e kua tau ki te au papa-ture e tetai ua atu au mea e anoano`ia ana no te raitini.

5.2 Akara`ia mai te au ravenga kia rauka mai i te au turanga apii punanga i roto i te au oire kare e tu katau ana

Ei akatere atu i te akaaere`anga o te angaanga no te au atuitui`anga, ka kimi mai te Maraurau i te ravenga no te au tamariki o te au oire puta-ua kia tomo atu ki roto i te au turanga apii punanga matutu tei turu i to ratou kapua`anga`ia mai, reo e te peu. Mei tei tamanako`ia i roto i te parāni akaivi, ka akatu`ia tetai au turanga na te kavamani, ki roto i teia au oire e ngata nei i te au tamariki i te tomo`anga atu ki roto i te au turanga tau no te au ravenga anoano`ia. Na te au akamaroiroi`anga o te pute moni, te kimi atu i te au turanga (matutu), ma te kimi`anga atu i te au turanga ka inagaro i teia angaanga, tetai au kimianga ravenga ka akara`ia.

5.3 Me ka rauka, akapae`ia tetai ngā`i no te turanga apii punanga ki te pae mai i te aua apii

Ka puapinga atu te au tu pirianga i rotopu i te au tamariki apii punanga e to ratou kopu tangata, oire tangata, apii e te kura me akatu`ia te turanga apii punanga ki roto i te aua apii. Me ka rauka, ka akatika te Maraurau kia akatu`ia te turanga apii punanga ki roto i te aua apii. No te Maraurau te potonga enua e na te rīti e tutaki. Ko te turanga apii punanga te ona o te are-apii e na ratou rai e tutaki i te mea ravarai mei te insurance e te akono`anga. Te vai katoa nei te irinaki`anga e me roa atu paa te tuātau kia akara`ia te ture kia riro na te apii e akatere i te turanga apii punanga.

5.4 Akamatutu`ia te akateretere`anga e te turu`anga i te aka`aere`anga i te reo o te Moana nui o Kiva e tetai ua atu turanga punanga o te oire

Ko te akateretere`anga e te aka`aere`anga matutu te tango o te turanga apii punanga tu katau e te mutukore. Kare tetai au turanga i roto i te oire, tei tupu mai no tei anoano`ia e tetai ua atu pupu oire tangata, no ta ratou e rapu nei no to ratou reo e ta ratou peu, au ravenga no te akateretere`anga i to ratou turanga. Me kare e ravenga turu atu, penei paa e kare e roa te oraanga o te au turanga oire, ngaro atu i reira te ravenga inangaro`ia e te au metua.

Ei turu meitaki atu i te au turanga oire, ka rave mai te Maraurau, ka aka`ou e ka oora atu ki vao te au tuatua akakite e vai nei, tereni`anga, e te kite no runga i te akateretere`anga e te aka`aere`anga e oronga`ia nei ki te au putuputu`anga mei te au turanga apii punanga.

Ka kimi katoa te Maraurau i tetai au ravenga `ou no te akateretere`anga e te aka`aere`anga i roto i te parāni`anga o te au orooro`anga. Ka riro tetai tuanga i teia angaanga no te vaito`anga i te au ravenga akako`uko`u`anga, e te akamaata`anga mai i te au turuturu`anga e te au angaanga no te akateretere`anga e te aka`aere`anga kia angaanga taokotai (teia te akara`anga, tetai puna tauturu puapii, aka`aere`anga). Ka akavatavata`ia te turu`anga ki te au turanga apii punanga o te Moana nui o Kiva e turu nei i au metua e te oire tangata i te rapu`anga i to ratou reo e ta ratou peu kia tu katau.

5.5 Akamata`ia tetai porokarāmu matutu no te akavā`anga e te raitini`anga

Na te Maraurau te raitini o te au turanga apii punanga e tei a ratou te rima o te ture no rave`anga i te au papa-ture e te tomo atu no te tutaka, pera katoa no te au aka`apa`anga e te au manamanata. Tei roto nga tokorua, te Maraurau e te ERO i te akatanotano`anga i te au turanga apii punanga.

Te anga nei a ERO i tetai turanga akamatakite`anga kia kite`ia te au turanga akavatavata`ia. Ka akatupu te Maraurau i tetai porokaramu no te atoro atu i te au turanga apikepika kia kite`ia te tauturu e inangaro`ia nei e kia apaina`ia mai tetai tangata ei tauturu.

Te tamanako`ia nei kia akatanotano`ia te au papa-ture ei akamatutu mai i te turanga o te Maraurau no te akara`anga atu i te kapau`anga`ia mai o te raitini o te au turanga apii punanga me ka oatu`ia tetai raitini tatuātau`ia e i te tipu i te raitini a tetai ua atu turanga kua putuputu rava ki runga i te raitini tatuātau`ia. Te tamanako katoa ia nei, me tomo mai te papa-ture, ka inangaro`ia te au turanga kia akakite atu ki te au kopu tangata i te tumu o te manamanata e te akapeea nei ratou kia kore te manamanata.

5.6 Akapuapinga`ia te akateretere`anga o te pute moni kia kite te au metua, te au puapii e te kavamani

Te karanga nei te turanga pute moni i raro ake i ta ratou ture, ka inangaro`ia te au turanga kia tata i tetai tuatua akakite no runga i te moni tauturu ta te tamariki e uuti mai nei. Ka tauturu teia tuatua akakite i te akapuapinga mai i te akamarama`anga i te moni e pou nei kia kite meitaki te au metua i ta te kavamani e rave nei i te turu`anga i ta ratou tamaiki.

Ka anoano katoa`ia te au turanga kia ripoti i te au mataiti tatakita ki te kavamani no runga i te moni e aere mai nei ki roto e te moni e pou nei i roto i te au tuanga tuketuke i raro ake i te raitini. Na teia e akaari marama ua mai i te moni e pou nei no te akateretere`anga i te apii punanga. Ka tauturu katoa teia i te akakite mai ki te Maraurau i te au turanga apikepika.

5.7 Akapapa`ia na roto i te angaanga taokotai`anga atu ki te Playcentre Aotearoa New Zealand no tetai turanga akateretere`anga pute moni

Ko te playcentre tetai turanga apii punanga tuke ua atu rai no Aotearoa anake tei irinaki e ko te au metua te au puapii mua e te mea numero tai no ta ratou tamariki. Te angaanga taokotai nei te Maraurau e te Playcentre Aotearoa New Zealand i te akapapa`anga i tetai turanga pute moni e te akara nei i te pepa puapii te ka inangaro`ia kia tau ki ta te akateretere`anga e rave nei.

Ka akapeea matou i te akatanotano`anga e te vaito`anga i te puapinga?

Ka angaanga taokotai te Maraurau e te ERO i te akatanotano`anga e te vaito`anga i te au mea te ka tupu i raro ake i teia akapapa`anga. Eī akamata, ka akanoonoo matou i te au ravenga tu katau ma te akapapu kia papa te tango no te vaito`anga i tiēni.

Ka akara te Maraurau e ERO i tetai au vaito`anga `ōu me e vaito`anga va tetai. Ka akatupu`ia te au vaito`anga tatuātau`ia, pera katoa te tika`anga kia tutaka`ia e te parāni vaitoanga.

Akara`anga viviki atu ki te parāni e akakoro`ia nei

Irinaki`anga 1	Irinaki`anga 2	Irinaki`anga 3	Irinaki`anga 4	Irinaki`anga 5	
Au Irinaki`anga no te apii no teia au mataiti e 10 e tu mai nei					
Ei rotopu rai te aronga kimi kite apii e to ratou kopu tangata	Tomo`anga paruru-kore	Apii`anga e te arataki`anga matutu	Kimi`anga kite apii e te angaanga moni no te tuatau ki mua	Apii`anga numero tai ua atu i roto i teia nei ao no te katoatoa	Tei roto i te Porokaramu Angaanga Apii a te Kavamani te au mea tau ki te parāni a te apii punanga e akakoro`ia nei: <ul style="list-style-type: none"> • Parāni no te Angaanga a te Turanga Apii • Parāni no te akakoro`anga a te pupu Turu i te Kimi Kite 2019-25 • Ka Hikitia e te Tau Mai Te Reo • Parāni no te Turanga Apii o te Moana nui o Kiva e akakoro`ia nei • Porokaramu ka Apii`ia, te porokaramu no te neke`anga ki mua e te puapinga tei rauka • Turanga Apii Patireia e te Kimi`anga Kite Apii e te au Turanga Puapinga (NELP)
Ei rotopu rai te aronga kimi kite apii e to ratou kopu tangata i te turanga apii	Ka rauka i tetai ua atu tamariki kimi kite apii te puapinga maata o te apii	Meitaki atu te puapinga ki te tamariki kimi kite apii e te kopu tangata me matutu the turanga apii`anga e te aka`aere`anga	Kimi`anga kite apii e tau ki te ora`anga o Aotearoa i teia ra e te roa`anga atu o to ratou ora`anga	Irinaki`ia te turanga apii motukore o Aotearoa	
Te akakoro`anga no te parāni a te Apii punanga no te au irinaki`anga					
Ka kite te tamariki e te kopu tangata i te turanga tau no te oraanga meitaki e turu ra i to ratou kapuaanga`ia mai, te reo e te peu Maori.	Ka rauka i tetai ua atu tamaiti i te tomo atu ki roto i te apii punanga matutu e kia turu`ia ratou i ta ratou apii`anga kia tupu ruperupe.	Ei au puapii e te au arataki tu katau, kite tuketuke, kite i te peu Maori e kia akangateitei`ia.	Ka akatupu te tamariki i te au ravenga inangaro`ia e to ratou kopu tangata e te oire tangata ma te turu atu ia ratou kia riro mai ei aronga kimi kite apii matutu e te tu katau.	Ei au kopu turu i te au apii punanga tei teateamamao`ia e te turanga apii tei turu`ia, irinaki`ia e te mutukore.	
<ul style="list-style-type: none"> » Akapuapinga`ia te tare`anga o te aronga mama`ata ki te tamariki i raro ake i te 3 mataiti i roto i te au turanga apii punanga e arataki`ia ana e te au puapii. (1.1) » Ka inangaro`ia te au puapii kia mako i te akapupu`anga ia ratou ki roto i te tamariki na roto i te au ravenga turu atu kia ketaketa e kia akono meitaki`ia, te au ara apii`anga i te reo, e te au nekeneke`anga tu katau no te tamariki e te kopu tangata. (1.2) » Akatupu`ia tetai akara`anga no runga i te maata o te pupu, te akanoonoo`anga o te are apii e tetai au mea e takapini ana, e ka akapeea i te akapuapinga`anga atu i te turanga i roto i teia au ngai. (1.3) » Turu`ia te au metua e te kopu tangata no te iki`anga i te turanga apii e te au ara apii`anga reo na roto i te akapuapinga`anga i te au tuatua akakite. (1.4) 	<ul style="list-style-type: none"> » Akatanotano meitaki`ia te turanga pute moni kia tano ei turu tikai i te tamariki kia puapinga no te tomo`anga atu ki roto i te au punanga metaki rava atu. (2.1) » Akatupu`ia tetai akara`anga kia akako`u`ia mai i te au turanga turu i te oraanga tangata i te turu i te tamariki e to ratou kopu tangata kia tomo atu ki roto i te au apii punanga ma te akapapu kia marama meitaki`ia e koai tikai te aka`aere no te akatanotano`anga i te turu tamou`anga apii i roto i te au turanga apii punanga tatakita. (2.2) 	<ul style="list-style-type: none"> » Akamaroiro`ia kia taeria te 100 patene ma te akamana atu kia taeria te 80 patene o te au puapii kua pati i roto i te au apii`anga e arataki`ia ana e te au puapii, e tae ua atu te akamana`anga ki te 100 patene. (3.1) » Akakake`ia te turanga pepa puapii o te au puapii e apii ana i roto i te ngutuare. (3.2) » Akatupu`ia tetai akapapa`anga no te akamaata`anga mai i te au puapii apii punanga e tau ki te akapapa`anga no te aronga angaanga a te turanga apii. (3.3) » Anga`ia tetai akaaere`anga ei akapuapinga e te akatinamou i te tutaki e te turanga angaanga o te au turanga apii punanga katoatoa. (3.4) » Akapuapinga`ia te Tereni`anga Puapii Mua ei akapapu`anga kia pati meitaki te au puapii i te rave`anga e te angaanga taokotai atu ki tetai au taunga no ta ratou apii`anga. (3.5) » Akatupu`ia tetai parāni`anga mutukore no te kimi kite apii e te tereni`anga tu katau tikai. (3.6) » Akatupu`ia te kimi kite`ōu e te au putuputu`anga kimikimi kite no te turanga apii punanga. (3.7) » Turu`ia te au turanga apii punanga kia angaanga taokotai i runga i te turanga aiteite ki tetai ua atu i roto i te au tu orooro`anga. (3.8) » Turu`ia te aronga angaanga kia tāru mai i te reo Māori ki roto i te au turanga apii punanga katoatoa. (3.9) 	<ul style="list-style-type: none"> » Tāru`ia te curriculum framework, <i>Te Whāriki</i>, ki roto i te Gazette, ei turu i te rave`anga i te au tumu manako apii, te au makave, te au akakoro`anga e te au kokoti`anga i te tuātau akapapa`anga i te au mea ka apii`ia. (4.1) » Akapapa taokotai`ia te au tu ravenga irinaki`ia e tau ki te peu e te reo Maori i turu atu i te tarere`anga e te apii`anga. (4.2) » Makitoto meitaki`ia te au turanga tauturu i roto ia ratou uaorai, ei akamatutu i te angaanga i roto i <i>Te Whariki</i> e ei akapapu kia puapinga ua atu te teretere`anga ki mua. (4.3) 	<ul style="list-style-type: none"> » Akamata`ia tetai turanga atuitui`anga teateamamao`ia ei akapapu i te meitaki, kia matutu mutukore te punanga. (5.1) » Akara`ia mai te au ravenga kia rauka i te au turanga apii punanga i roto i te au oire kare e tu katau ana. (5.2) » Me ka rauka, akapae`ia tetai ngā`i no te turanga apii punanga ki te pae mai i te aua apii. (5.3) » Akamatutu`ia te akateretere`anga e te turu`anga i te aka`aere`anga i te reo o te Moana nui o Kiva e tetai ua atu turanga punanga o te oire. (5.4) » Akamata`ia tetai porokarāmu matutu no te akavā`anga e te raitini`anga. (5.5) » Akapuapinga`ia te akateretere`anga o te pute moni kia kite te au metua, te au puapii e te kavamani. (5.6) » Akapapa`ia na roto i te angaanga taokotai`anga atu ki te Playcentre Aotearoa New Zealand no tetai turanga akateretere`anga pute moni. (5.7) 	